

4. gr.

Í reglugerðina bætist ný grein, er verði 6. gr., svo hljóðandi:

„Hver sá, er tengja vill hús við vatnsæðar vatnsveitunnar, skal fá til þess samþykki bæjarstjóra. Skal verkið unnið eftir fyrirsögn hans eða trúnaðarmanns hans. Húseigendur kosta heimtaugar sínar að öllu leyti, enda greiði þeir ekki tengigjald“.

5. gr.

6. gr. verði 7. gr.

Reglugerð þessi, sem samin er og samþykkt af bæjarstjórn Neskaupstaðar, staðfestist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 21. desember 1967.

F. h. r.

Hjálmar Vilhjálmsson.

Hallgrímur Dalberg.

REGLUR

um kaup tryggingafélaga á íbúðalánabréfum Húsnæðismálastofnunar ríkisins árið 1968.

1. gr.

Kaup á íbúðalánabréfum Húsnæðismálastofnunar ríkisins, sem tryggingafélögum ber að gera vegna tryggingasjóðs líftrygginga samkvæmt 1. málgr. 4. gr. laga nr. 17/1964, skulu gerð ársfjórðungslega eigi síðar en mánuði eftir lok hvers ársfjórðungs. Við ákvörðun aukningar tryggingasjóðs skal stuðzt við aukningu samkvæmt síðasta ársfjórðungi, en leiðrétting, miðuð við endanlegt ársuppgjör fyrir 1968, gerð í lok 2. ársfjórðungs 1969.

Um leið og kaup eru gerð, skal tryggingafélag skila ársfjórðungsskýrslu um afborganir og útdregin bréf á eyðublað, sem félagsmálaráðuneytið lætur í té.

2. gr.

Á árinu 1968 skulu öll tryggingafélög, sem lög nr. 17/1964 taka til, kaupa íbúðalánabréf Húsnæðismálastofnunar ríkisins fyrir 25% af fé því, sem félög þessi verja til verðbréfa- og víxlakaupa, annarra en vegna tryggingasjóðs líftrygginga, sbr. þó 3. gr. reglna þessara. Skulu slík kaup gerð á sömu tímum og í 1. gr. segir. Um leið og kaup eru gerð, skal tryggingafélag skila ársfjórðungsskýrslu um verðbréfa- og víxlakaup á eyðublaði, er félagsmálaráðuneytið lætur í té.

3. gr.

Nú verður tryggingafélag að greiða váttryggingarupphæð hluta, sem orðið hafa fyrir skemmdum, en eignast í staðinn hina skemmdu hluti, og getur þá félagsmálaráðherra heimilað, að víxlar og verðbréf, sem tekin eru upp í greiðslu við sölu slíkra hluta, skuli ekki teljast með við ákvörðun fjárhæðar þeirrar, sem verja skal

til kaupa á íbúðalánabréfum samkvæmt 2. gr. Það er skilyrði fyrir slíkri undanþágu, að lán sé ekki veitt til lengri tíma en 18 mánaða.

Nú á tryggingafélag endurkröfurétt samkvæmt 73. gr. umferðarlaga nr. 26/1958 vegna ábyrgðartjóns vélknúins ökutækis og fær endurkröfufjárhæðina greidda að nokkru eða öllu leyti með vixlum og verðbréfum, er að jafnaði skulu ekki vera til lengri tíma en 10 ára, og getur þá félagsmálaráðherra veitt sams konar heimild þeirri, sem um getur í 1. málsg. r.

Tryggingafélög, sem óska eftir undanþágu samkvæmt þessari grein skulu þegar eftir lok ársfjórðungs, skila skrá um tjón þau, sem um er að ræða, tryggingaupphæðir, söluverð eða endurkröfufjárhæðir, lánsfjárhæðir og lánstíma.

4. gr.

Nú kemst tryggingafélag, sem hætt hefur útgáfu líftryggingaskirteina hér á landi í greiðsluvandræði vegna þeirra skuldbindinga, sem áður hafa verið lagðar á tryggingasjóð líftrygginga með lögum nr. 17/1964, og endurkaupir Húsnæðismálastofnun ríkisins þá íbúðalánabréf, sem tryggingasjóður líftrygginga hefur orðið að kaupa, þó aldrei fyrir hærri fjárhæð en sem svarar lækkuð tryggingasjóðs líftrygginga að frádregnum afborgunum og útdregnum bréfum.

Ákvæði 3. málsg. 4. gr. laganna skulu, eftir því sem við getur átt, gilda um endurkaup bréfa samkvæmt þessari grein.

5. gr.

Veðdeild Landsbanka Íslands annast sölu íbúðalánabréfa til tryggingafélaga fyrir Húsnæðismálastofnun ríkisins.

Hafi Húsnæðismálastofnun ríkisins mismunandi tegundir verðbréfa á boðstólum, geta tryggingafélög valið þá tegund, er þau kjósa að kaupa.

Reglur þessar, sem settar eru samkvæmt ákvæðum 5. gr. laga nr. 17 23. maí 1964, um ávöxtun fjár tryggingafélaga, staðfestast hér með til að öðlast gildi 1. janúar 1968.

Félagsmálaráðuneytið, 27. desember 1967.

Eggert G. Þorsteinsson.

Hjálmar Vilhjálmsson.

Staðfesting forsetans á breytingu á skipulagsskrá fyrir Minningarsjóð Björns Eiríkssonar og Kristínar Marteinsdóttur frá Höskuldsstaðaseli í Breiðdal, útgefin á venjulegan hátt að mandatum af dómsmálaráðherra 27. desember 1967.

Breytingin er þannig:

BREYTING

2. gr. hljóði svo:

Stofnfé sjóðsins er jörðin Höskuldsstaðasel í Breiðdalshreppi samkvæmt af-sölum útgefnum af Hóseasi Björnssyni 27. júlí 1967 (7/8 af jarðeigninni) og 15. ágúst 1967 (1/8 af jarðeigninni).

Reykjavík, 27. desember 1967.